

# 卷十六

書名 所見集三十七卷目二卷二集十九卷三集二十一卷  
四集十八卷  
撰者 清 馬世璜 輯，清 謝奎、王又槐 同輯四集  
卷 卷十六  
內容分類 史-政書-法令-刑案  
索書號 大木-法類-例案-11  
編號 B3851700

彩色首頁1

東洋文化研究所漢籍目錄 編號: B3851700

東洋文化研究所漢籍目錄所藏漢籍善本文影像資料庫 索書號: 大木-法類-例案-11

漢籍善本文影像資料庫文本 所見集三十七卷目二卷二集十九卷三集二十一卷四集十八卷

版權所有: 東京大學 東洋文化研究所  
使用上的注意事項

杭仁和馬世璜仕仙編 男德錫時若校字  
地保扶同捏供不准照本犯收贖之例收贖  
乾隆三十七年九月二十二日准  
部咨據廣撫德 咨稱新寧縣民梁基瑞竊牛被  
差役李信等先後詐逼致梁基瑞服毒身死一案  
梁基瑞于乾隆三十五年十一月初六日偷竊何  
牧草水牛一隻至黃道瑒家借住捏稱買自墟  
道瑒留宿有阮亞長經見初九日梁基瑞將牛

所見集

卷目名例

贖刑



所見集

浙杭仁和馬世璘仕仙編 男德錫時若校字

奉天主教傳習惑眾比照異端邪術遷徙

順天府尹李 奏據宛平縣知縣羅如倫稟稱案查  
乾隆十五年五月內據縣屬桑峪村民楊柱祿稟報  
村人張國用楊選才張顯樞等二十六家供奉天主  
教經前縣審明係因修葺龍王廟歛錢起衅當卽懲  
治完結茲于乾隆十八年九月內據桑峪村鄉長楊

桂亮呈報張顯樞等二十餘人尊奉天主教講經隨

所見集

卷十六 祭祀

一 禁止師巫邪術

訊同教姓名據供出張顯樞傳教張國用張顯標李  
君秀楊桂學從教准平羅汛都司移送查獲神像一  
張教書二本拘齊人犯審訊據張顯樞供圖書係故  
父從天主堂請來從前忽于銷燬並無聚會念經之  
事而楊桂亮堅稱張顯樞聚集村人在于村中曉夜  
講經男女混襪且稱張顯樞之妻卽桂亮姪女亦在  
混襪場中聽經等語當將張顯樞枷號餘犯責懲並  
飭令搜出各家圖書等物送縣銷燬仍將審結緣由  
移明平羅汛都司移會



營兵譚國隆同鄉長楊桂亮當卽前赴平日講經處  
所在于空樞內搜得神像一幅書八本十字架一個  
而舍內尙有書館係昌平州生員連名教讀之所彼  
此爭競扭結卽有從教村民楊準才高長柱楊全性  
勸釋而散兵丁譚國隆回營卽以連名倡教毆兵在  
逃爲詞具稟把總高進轉稟該營都司移解楊準才  
等并兵丁譚國隆到縣據生員連名供稱今年二月  
間到桑峪村教書館設楊準才空屋內有空棺係張  
顯樞寄放實不知藏有圖書等物至兵丁同鄉長搜

所見集

卷十六 祭祀

二 禁止師巫邪術

出圖書曾與口角並無毆打情事質之譚國隆亦稱  
扭結是實查驗並無傷痕詰其曾否崇信天主教據  
供故父在日曾否奉教生員至今不敢誹謗據楊準  
才等同供隨從張顯樞奉教是實又據供出楊全德  
楊全恩等二十餘家復提訊張顯樞據供圖像架書  
俱是故父從天主堂請來的不知那國的西洋人所  
給如今西華門堂內有管事的匠人一個姓趙名聖  
修一個姓郎一個姓宋一個姓王一個姓蔣小的常  
到堂裡講論都是趙聖修接見今年七月間還有個



姓劉的至桑峪村來傳教村人供奉他住了十餘日  
纔回去此人如今不在京裡了連生員爭鬧的事小  
的不知道據楊桂亮供搜查圖書是高把總出票差  
譚國隆同小的去的說是奉文搜查因同到連名書  
館要搜連名不依就同譚國隆扭結小的從空棺中  
搜出連名就走了不知他來投到是實等因具報到  
臣臣查天主教來自西洋本其國俗雖荒誕謬妄稍  
與白蓮等各種邪教有間終屬異域不根應行嚴禁  
今張顯樞等雖據該縣訊稱係窮鄉愚民信從邪說

所見集

卷十六

祭祀

一禁止師巫邪術

並無爲匪情事但男女多人曉夜講經有關風化且  
臣閱其書內幻妄無稽悖理傷道尤不應聽其流傳  
惑世查乾隆十一年督臣那蘇圖查得清苑等縣民  
劉英兒等傳習天主教曾經奏明枷責完結奉  
旨俞允在案今張顯樞一犯于十五年既經該縣訊究乃  
並不悛改仍行傳教村人二十餘家從其學習該縣  
已枷未責不足蔽辜應比照異端邪術煽惑民人爲  
從者發邊外爲民生員連名除審無毆兵情事外該  
生在村教讀明知講經傳教且圖書現在彼處取出



又其父久經從教係世代傳習應照違制律杖一百  
係生員應行學除名張國用張顯標等七犯雖經責  
懲應仍枷號其續行供出之楊全德楊全恩及未到  
案之犯應令該縣查明責懲完結兵丁譚國隆妄報  
被毆應照不應輕律笞四十把總高選不待移縣擅  
出差票查拿甚屬不合應聽督臣查明咨送兵部議  
處所有未經起獲圖書及已獲之圖書十字架等物  
一并銷燬至西洋人等受

皇上養之恩只應各安其俗乃于禁止之後仍行傳教

所見集 卷十六 祭祀 四 禁止師巫邪術

令村人煽惑其趙聖修有無招引民人講論及劉姓  
是否回國之處仰請

勅下該管大臣查明辦理謹將臣據稟辦理緣由恭摺  
具

奏乾隆十九年正月三十日奉

旨知道了



捏造符咒令人服壯藥比照師巫邪術例擬流

乾隆十九年十一月初四日准

刑部咨據浙撫鄂 奏稱張東山捏造符咒誘人服壯誑騙銀錢一案緣張東山係福建上杭縣人伊父在日曾開葯舖遺有大力丸併跌打損傷等方張東山遂在外行醫度日後又轉至泰順帶人種靛不能資生輒起意誑騙捏造符咒誘人服壯比有張東山同鄉劉九滿寄居泰順因聞原籍父墳被馬姓毀掘手乾隆十三年四月遇見張東山談及欲圖報復張

所見集

卷十六

祭祀

五 禁止師巫邪術

東山乘機誑令飲服半壯先將丸葯給食次用白布畫符念咒燒灰吞服騙得劉九滿銀十二兩併又捏造治病符咒抄給劉九滿後劉九滿因全無效驗隨向張東山討銀無還取其舖蓋而回迨十四年四月內張東山爲族叔張雲化赴武生王春紅卽王瑞琳家借挑稻穀以其習武練力又誘令服壯照前給食符葯騙得銀錢牛穀等物王春紅亦因無效久絕往來嗣于十七年九月間適張東山路過王春紅家曾送王春紅梅醬扇子莫其贈給盤費因王春紅相待



甚薄止住宿兩夜而去緣該犯先在閩省福安縣亦以符藥誘騙被拿解至中途脫逃緝未獲復又潛來泰邑經道訪聞該犯有在泰誘人服壯情事密飭泰邑拘獲劉九滿等錄供通詳奉飭緝究在案嗣張東山因聞拿緊急隨自赴福安投到審明彼處犯案擬流詳咨奉有部覆將該犯移解到泰從重歸結屢審供認不諱查律載師巫假降邪神書符咒水一應左道異端之術煽惑民人爲首者絞等語今張東山捏造符咒誘人服壯雖似異端邪術但意止圖騙財

物其哄令劉九滿等服食因無效驗無人信從並未煽惑多人實與閩省所犯情事相同若擬以縲首亦覺過重張東山應請比照師巫邪術煽惑人民律量減一等杖一百流三千里查該犯已在閩省問擬滿流二罪相等應仍解回原籍閩省查僉發配所有騙得劉九滿王春紅銀物照追入官劉九滿出銀服壯已知被騙尙將抄給符書收藏不行銷燬訊無轉誘別人情事合依收藏應禁之書律杖一百再請枷號一個月滿日折責四十板遞回原籍交保去插已革



武生王春紅卽王瑞琳被誘服壯並非從教應請照  
不應重律杖八十係武生圖習技勇尙未有乖行止  
應復還衣頂發學戒飭以上杖犯時逢熱審各子減  
等發落逃犯張季秀緝獲另結至此案失察張東山  
在泰誘人服壯之前任知縣姚之璧已經病故且事  
在乾隆十五年八月初四日

恩詔以前應邀免議等因抄招咨達前來據此張東山等  
均應如該撫所擬完結仍令照例彙題至議處文職  
以及開復武生事隸吏兵二部應將原咨抄送吏部  
所見集 卷十六 祭祀  
七 禁止師巫邪術  
會同兵部查議可也